

二、文献对读

隐公元年·一

○**补**【传世文献对读】《史记·鲁周公世家》载鲁惠公强娶仲子之事，与《左传》大不相同，在此录其原文：

初，惠公適夫人无子，公贱妾声子生子息。息长，为娶于宋。宋女至而好，惠公夺而自妻之，生子允。登宋女为夫人，以允为太子。及惠公卒，为允少故，鲁人共令息摄政，不言即位。

隐公元年·四

○**补**【出土文献对读】据清华简六《郑武夫人规孺子》篇的记载，郑武公去世后，武姜在郑武公停棺待葬期间，曾迫使孺子寤生在头三年不得亲政，在此录其释文：

郑武公卒，既殯，武夫人规孺子曰：

“昔吾先君，如邦将有大事，必再三进大夫而与之偕图。既得图，乃为之；毁图，所贤者焉申之以龟筮，故君与大夫晏焉，不相得恶。

“区区郑邦望吾君，无不盈其志于吾君之君己也。使人遥闻于邦，邦亦无大徭赋于万民。吾君陷于大难之中，处于卫三年，不见其邦，亦不见其室。如毋有良臣，三年无君，邦家乱也。自卫与郑，若卑耳而谋。今是臣臣，其可不室？吾先君之常心，其可不遂？

“今吾君即世，孺子汝毋知邦政，属之大夫。老妇亦将纠修宫中之政，门坎之外毋敢有知焉。老妇亦不敢以兄弟婚姻之言以乱大夫之政。孺子亦毋以褻竖、嬖御、筋力、射馭、媚妬之臣，躬恭其颜色，掩于其巧语，以乱大夫之政。

“孺子汝恭大夫，且以学焉。如及三岁，幸果善之，孺子其重得良臣，四邻以吾先君为能叙。如弗果善，殃吾先君而孤孺子，其罪亦足数也。邦人既尽闻之，孺子又诞告吾先君，如念孺子之志，亦犹足，吾先君必将相孺子以定郑邦之社稷。”

孺子拜，乃皆临。自是期以至葬日，孺子毋敢有知焉，属之大夫及百执事，人皆惧，各恭其事。边父规大夫曰：“君拱而不言，加重于大夫，汝慎重。”

君丧而久之，于上三月小祥，大夫聚谋，乃使边父于君曰：“二三老臣使御寇也布

图于君。昔吾先君使二三臣，抑早前后之以言，使群臣得执焉，□毋交于死。今君定，拱而不言，二三臣事于邦，茫茫焉如宵措器于选藏之中，毋措手趾，殆于为败，胡宁君？是有臣而为设辟，岂既臣之获罪，又辱吾先君，曰‘是其莽臣也’。”

君答边父曰：“二三大夫不当毋然。二三大夫皆吾先君之所付孙也。吾先君知二三子之不二心，用历授之邦。不啻然，又称起吾先君于大难之中。今二三大夫畜孤而作焉，冀孤其足为勉，抑无如吾先君之忧何？”

隐公元年·九

○**补**【出土文献对读】清华简二《系年》叙卫国早期历史，在此录其释文：

周成王、周公既迁殷民于洛邑，乃追念夏商之亡由，旁设出宗子，以作周厚屏，乃选建卫叔，封于康丘，以侯殷之余民。卫人自康丘迁于淇卫。

隐公三年·四

○**补**【传世文献对读】

《毛诗·召南·采蘩》

于以采蘩？于沼于沚。于以用之？公侯之事。

于以采蘩？于涧之中。于以用之？公侯之宫。

被之僮僮，夙夜在公。被之祁祁，薄言还归。

《毛诗·召南·采蘋》

于以采蘋？南涧之滨。于以采藻？于彼行潦。

于以盛之？维筐及筥。于以湘之？维锜及釜。

于以奠之？宗室牖下。谁其尸之？有齐季女。

《毛诗·大雅·行苇》

敦彼行苇，牛羊勿践履。方苞方体，维叶泥泥。戚戚兄弟，莫远具尔。

或肆之筵，或授之几。

肆筵设席，授几有缉御。或献或酢，洗爵奠斚。醢醢以荐，或燔或炙。

嘉肴脾臠，或歌或号。

敦弓既坚，四楸既钩。舍矢既均，序宾以贤。敦弓既句，既挾四楸。

四楸如树，序宾以不侮。

曾孙维主，酒醴维醑。酌以大斗，以祈黄耇。黄耇台背，以引以翼。
寿考维祺，以介景福。

《毛诗·大雅·洞酌》

洞酌彼行潦，挹彼注兹，可以饘饩。岂弟君子，民之父母。
洞酌彼行潦，挹彼注兹，可以濯鬯。岂弟君子，民之攸归。
洞酌彼行潦，挹彼注兹，可以濯漑。岂弟君子，民之攸塈。

隐公三年·六

○**补**【传世文献对读】《公羊传·隐公三年》叙宋宣公、缪公(即穆公)事，在此录其原文：

宣公谓缪公曰：“以吾爱与夷，则不若爱女。以为社稷宗庙主，则与夷不若女，盍终为君矣？”

宣公死，缪公立。缪公逐其二子庄公冯与左师勃，曰：“尔为吾子，生毋相见，死毋相哭。”

与夷复曰：“先君之所为不与臣国，而纳国乎君者，以君可以为社稷宗庙主也。今君逐君之二子，而将致国乎与夷，此非先君之意也。且使子而可逐，则先君其逐臣矣。”

缪公曰：“先君之不尔逐，可知矣。吾立乎此，摄也，终致国乎与夷。”

隐公四年·二

○**补**【传世文献对读】

《毛诗·卫风·硕人》

硕人其颀，衣锦褰衣。齐侯之子，卫侯之妻，东宫之妹，邢侯之姨，谭公维私。
手如柔荑，肤如凝脂，领如蝤蛴，齿如瓠犀，螭首蛾眉。巧笑倩兮，美目盼兮。
硕人敖敖，说于农郊。四牡有骄，朱幘纚纚，翟裼以朝。“大夫夙退，无使君劳。”
河水洋洋，北流活活。施罟濊濊，鱣鲔发发，葭莩揭揭。庶姜孽孽，庶士有暵。

隐公四年·二

○**补**【传世文献对读】《大戴礼记·朝事》载有诸侯相朝之礼要义，在此录其原文：

诸侯相朝之礼，各执其圭瑞，服其服，乘其辂，建其旌旂，施其樊纓，从其贰车，委积之以其牢礼之数，所以别义也。

介绍而相见，君子于其所尊，不敢质，敬之至也。

君使大夫迎于境，卿劳于道，君亲郊劳、致馆。

及将币，拜迎于大门外而庙受。北面拜祝，所以致敬也。三让而后升，所以致尊让也。敬让也者，君子之所以相接也。诸侯相接以敬让，则不相侵陵也。此天子之所以养诸侯、兵不用而诸侯自为正之具也。

君亲致饗既、还圭、飧食、致赠、郊送，所以相与习礼乐也。诸侯相与习礼乐，则德行修而不流也。故天子制之，而诸侯务焉。

隐公五年·一

○补【出土文献对读】清华简一《耆夜》讲述武王八年伐耆大胜之后，在文王庙的太室举行饮至典礼，武王君臣饮酒作歌的情状，为今人了解周代饮至之礼的细节提供了珍贵的文献材料，在此录其释文：

武王八年，征伐耆，大戡之。还，乃饮至于文太室。毕公高为客，召公保奭为介，周公叔旦为主，辛公諫甲为位，作册逸为东堂之客，吕尚父命为司正，监饮酒。

王举爵酬毕公，作歌一终曰《乐乐旨酒》：

“乐乐旨酒，宴以二公。纁仁兄弟，庶民和同。方壮方武，穆穆克邦。嘉爵速饮，后爵乃从。”

王举爵酬周公，作歌一终曰《辚乘》：

“辚乘既飭，人服余不胃。廌士奋刃，繄民之秀。方壮方武，克燮仇讎。嘉爵速饮，后爵乃复。”

周公举爵酬毕公，作歌一终曰《鼐鼐》：

“鼐鼐戎服，壮武赳赳。繄精谋猷，裕德乃求。王有旨酒，我优以飏。既醉又侑，明日勿怵。”

周公又举爵酬王，作祝诵一终曰《明明上帝》：

“明明上帝，临下之光。丕显来格，歆厥禋盟。于□□□□。月有成辙，岁有臬行。作兹祝诵，万寿无疆。”

周公秉爵未饮，蟋蟀跃升于堂。〔周〕公作歌一终曰《蟋蟀》：

“蟋蟀在堂，役车其行。今夫君子，丕喜丕乐。夫日□□，□□□荒。毋已大乐，则终

以康。康乐而毋荒，是惟良士之迈迈。蟋蟀在席，岁聿云暮。今夫君子，丕喜丕乐。日月其迈，从朝及夕。毋已大康，则终以祚。康乐而毋[荒]，是惟良士之惧惧。蟋蟀在序，岁聿云[除。今夫君子，丕喜丕乐。日月其迈，从冬及夏]。毋已大康，则终以衢。康乐而毋荒，是惟良士之惧惧。”

隱公十一年・二

○补【出土文献对读】清华简五《封许之命》是周初封建许国的文书,在此录其释文:

“……越在天下，故天劝之亡戮，尚振厥德，膺受大命，允尹四方。则惟汝吕丁，肇右文王，懋光厥烈。

“〔武王〕司明刑，釐厥猷，祇事上帝；桓桓丕敬，严将天命。亦惟汝吕丁，捍辅武王，攸敦殷受，咸成商邑。

“……命汝侯于许。汝惟臧耆尔猷，虔恤王家，简义四方不覩，以勤余一人。

“锡汝苍珪、钜鬯一卣；路车、璫衡、玉璽、鸾铃、素旂、朱旂；元马四匹、攸勒、毳毼、罗缨、钩膺、纂弁、柅。

“赠尔荐彝、麝、豚牝、龙鬲、珽、罐、钲、鬻、勺、盘、鉴、荃、翌、舟、匱、鼎、簠、觥、卣、格。”

王曰：“呜呼，丁，戒哉！余既监于殷之不若，稚童兹忧，靡念非常。汝亦惟淑章尔虑，祇敬尔猷，以永厚周邦，勿废朕命，经嗣世享。”